



Data: 05.02.2019

Ref.: 139/190

Në mbështetje të Nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshme Administrative (nr. 05/L-31, datë 25 maj 2016), neni 7, dhe Neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetëror i Cilësisë (KShC), në mbledhjen e 61-të, të mbajtur më 15 dhe 16 janar 2019, mori:

V E N D I M

1. Tërhiqet akreditimi i programeve të studimit të Universitetit "Kadri Zeka" në Gjilan si më poshtë:

- Juridik i Përgjithshëm, LLB, 240 ECTS
- Marketing, BSc, 180 ECTS
- Parashkollor, BA, 240, ECTS
- Fillor, BA, 240 ECTS

Ky vendim hyn në fuqi me nënshkrimin e tij.

Arsyetimi

Bazuar në Nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *"Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit"*.

Sipas Nenit 30 të Udhëzimit Administrativ për Akreditim, *"IAL-të, duhet të dorëzojnë deklaratat e stafit akademik të angazhuar jo më larg se data 31 tetor"*, për IAL janë të obliguara që të deklarojnë stafin akademik më së largu deri më 31 tetor 2018. Sipas pikën 3 të Nenit 30 të UA për Akreditim, *"Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit"*.

Pas deklarimit të stafit akademik të IAL-ve, AKA ka filluar me verifikimin e dokumentacionit të tyre me qëllim të konfirmimit të plotësimit të kriterëve ligjore për secilin program të studimit. Në mbledhjen e mbajtur më 15 dhe 16 janar 2019, KShC analizoi në detaje të gjithë dokumentacionin e secilit staf akademik të vendosur si bartës të programeve nga IAL-të. Pasi analizoi fushat e studimit për secilin prej tyre, mori vendim si në dispozitiv të këtij vendimi.

1. Për programin e studimit: *Juridik i Përgjithshëm, LLB 240 ECTS*, bartës të këtij programi Universiteti "Kadri Zeka" (tash e tutje Universiteti) ka paraparë këtë staf: Teuta Agaj Avdiu, Fejzullah Berisha, Fejzullah Hasani, Urtak Hamiti.

Ky program ka 240 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën katër staf akademik me gradën akademike PhD me marrëdhënie të rregullt të punës nga fusha e programit të studimit. Pas verifikimit të dokumentacionit të stafit akademik të prezantuar nga Universiteti, për këtë program të studimit, u konstatua që vetëm Fejzullah Berisha dhe Fejzullah Hasani i përkasin fushës së programit të studimit *Juridik i Përgjithshëm*, ndërsa Teuta Agaj Avdiu dhe Urtak Hamiti nuk i përkasin fushës së programit të studimit. Teuta Agaj Avdiu është PhD në Shkenca Filologjike, ndërsa Urtak Hamiti është PhD në Histori/Marrëdhënie Ndërkombëtare.

Andaj bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 e Udhëzimit Administrativ për Akreditim të tërheq akreditimin për programin e studimit *Juridik i Përgjithshëm, LLB 240 ECTS*.

2. Për programin e studimit: *Marketing, BSc, 180 ECTS* Universiteti "Kadri Zeka" nuk ka prezantuar asnjë staf akademik në marrëdhënie të rregullt të punës për këtë program të studimit. Ky program ka 180 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën tre staf akademik me gradën akademike PhD me marrëdhënie të rregullt të punës nga fusha e programit të studimit.

Bazuar në këtë fakt dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 e Udhëzimit Administrativ për Akreditim të tërheq akreditimin për programin e studimit *Marketing, BSc, 180 ECTS*.

3. Për programin e studimit: *Parashkollor, BA, 240, ECTS* bartës të këtij programi Universiteti ka paraparë këtë staf: Januz Dervodeli, Bashkim Dalipi, Ragmi Mustafa dhe Mensur Neziri. Ky program ka 240 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën katër staf akademik me gradën akademike PhD me marrëdhënie të rregullt të punës nga fusha e programit të studimit.

Pas verifikimit të dokumentacionit të stafit akademik të prezantuar nga Universiteti, për këtë program të studimit, u konstatua që vetëm Januz Dervodeli dhe Mensur Neziri i përkasin fushës së programit të studimit, ndërsa Bashkim Dalipi dhe Ragmi Mustafa nuk i përkasin fushës së programit të studimit. Bashkim Dalipi është PhD në Fizikë, ndërsa Ragmi Mustafa PhD në Sistemet e Informacionit dhe Ekonomi.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 e Udhëzimit Administrativ për Akreditim të tërheq akreditimin për programin e studimit *Parashkollor, BA, 240, ECTS*.

4. Për programin e studimit: *Programi Fillor, BA, 240 ECTS* bartës në këtë program Universiteti ka paraparë këtë staf: Bajram Kosumi (PhD në Filologji), Shpresë Qamili (PhD Shkenca Gjuhësore/Didaktikë), Nevrije Bislimi Ismaili (PhD në Shkenca Filologjike) dhe Merxhan Avdyli (PhD në Shkenca Filologjike).

Ky program ka 240 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Universiteti duhet të ketë të paktën katër staf akademik me gradën akademike PhD me marrëdhënie të rregullt të punës nga fusha e programit të studimit. Pas verifikimit të dokumentacionit të stafit akademik të prezantuar nga Universiteti, për këtë program të studimit, u konstatua që vetëm, Shpresë Qamili i plotëson kushtet ligjore për të qenë bartëse e programit të studimit. Ndërsa tre bartësit e tjerë janë nga fushat filologjike, fushë kjo e cila nuk është njëjtë me atë të edukimit. Tra nga bartësit në këtë program (Bajram Kosumi, Nevrije Bislimi-Ismaili dhe Merxhan Avdyli), nuk i plotësojnë kushtet ligjore për të qenë bartës të programit të studimit.

Andaj bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 e Udhëzimit Administrativ për Akreditim të tërheq akreditimin për programin e studimit *Programi Fillor, BA, 240 ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 ditësh kur pala është njoftuar për aktin administrativ sipas nenit 127 të LPPA.

Vendimi iu dërgohet:

- Universitetit i Gjilanit "Kadri Zeka";
- MASHT-it; dhe
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

